

68
27. júní

Lög

um

breyting á þeim tíma, er manntalsþing skulu háð.

Vjer Christian hinn Tíundi, af guðs náð konungur Íslands og Danmerkur,
Vinda og Gauta, hertogi í Sljesvík, Holtsetalandi, Stórmæri, Þjettmerski,
Láenberg og Aldinborg,

Gjörum kunnugt: Alþingi hefir fallist á lög þessi og Vjer staðfest þau
með samþykki Voru:

1. gr.

Árið 1922 og uppfrá því skulu manntalsþing í hverju lögsagnarum-
dæmi byrja 14., 15. eða 16. júnídag ár hvert, og skal þeim síðan fram haldið án
tafar, eftir því sem staðhættir og önnur embættisverk leyfa, og skal þeim lokið
hinn 15. júlídag ár hvert, nema sjerstakar ástæður hamli, enda sje þeirra þá
getið í þingbókinni, er síðasta manntalsþingið það ár er háð.

2. gr.

Með lögum þessum er úr gildi numið opið brjef 30. mars. 1843, við-
virkjandi því tímabili, á hverju manntalsþingin á Íslandi eiga að haldast, opið
brjef 18. ágúst 1850, um hvenær manntalsþing skal halda í Norður-Múlasýslu,
og opið brjef 9. júní 1863, um breytingu á þeim tíma, þá er halda skal
manntalsþing í Barðastrandar- og Ísafjarðarsýslum.

Eftir þessu eiga allir hlutaðeigendur sjer að hegða.

Undir Vorri konunglegu hendi og innsigli.

Gefið í Reykjavík, 27. júní 1921.

Christian R.
(L. S.)

Magnús Guðmundsson.